



## DIEDÁHUS

Eana- ja meahccedoalloministeriija

25.11.2019 dmu 10.00

### **Bargojoavkku evttohus: boazolohkui ii nuppástus, geatnegahtti doaimmat boazoguohtumiid suvdilisvuoda dáhkkideapmin**

**Bargojoavkku evttoha stuorimus lobálaš boazolohkun 203 700 ealihanbohcco logijagiáigodahkii, mii álgá. Ealihanboazologuide bálgosiid guovdu eai evttohuvvo nuppástusat. Bohccuid dálveguohtumiid suvdilis ávkkástallama sihkkarastima várás bargojoavkku evttoha gárvvistuvvot geatnegahtti boazoguohtumiid dikšun- ja geavahanplánaid bálgosiid guovdu.**

Eana- ja meahccedoalloministeriija ásahan bargojoavkku bargun lei gárvvistit evttohusa bohccuid dálveguohtumiid suvdilis buvttadannávcca čuvvon ealihanboazologuin jagiide 2020-2030. Luondduriggodatguovddáža varrasamos dutkandieđu vuodul bargojoavkku evttoha, ahte bálgosiin geatnegahttošii boahttevuodas dikšun- ja geavahanplána boazoguohtumiid suvdilisvuoda dáhkkideami várás.

Luondduriggodatguovddáža mielde bohccuid dálveguohtumiid dáládili ja anolašvuoda buorideapmin livččii dárbu gárvvistit boazodoalloguovllu sierra osiide buoremusat heivvolaš oppalaš, guhkes áiggi boazoguohtumiid dikšunplánaid. Plánain váldošedje vuhtii bálgosiid jagiáiggiid guohtonlotnašuvvanvuogádagaid ovddideami ja boazologuid muddema dárbbuid ja vejolašvuodaid.

- Boazoguohtumiid dikšun- ja geavahanplánat ollašuhtášedje guovddáš osiin ráđđehusprográmma mihttomeari ovddidit boazodoalu ovdáneami gánnáhahtti, suvdilis ja kultuvrralaččat mearkkašahtti ealáhussan, dadjá bargojoavkku jođihan ráđđádalli virgeolmmoš Tapani Sirviö.

Bálgosiid guohtumiid dikšun- ja geavahanplánaid vuodđun doaimmašedje bálgosiid bargojovkui jagiin 2018 ja 2019 dahkkojuvvon ovdanbuktimat bálgosiid guohtumiid sihke boazodoalu dilis ja bálgosiid dilis. Bargojoavkku oinnii, ahte dikšun- ja geavahanplánat leat buoremus vuohki dorvvastit boazoguohtumiid suvdilis ávkkástallama guhkes áigegaskkas.

Boahttevuodas dikšun- ja geavahanplánaide galggašii nammadit guokte doaimma ja ollašuttimiid guovllu ektui ráddjejuvvon mihttomeriid ja ollašuttinvugiid. Molssaeaktun livčče boazologu eaktodáhtolaš geahpideapmi, njuovvama álggaheapmi árabut, bohccuid jeagelguohtumiid dili buorideapmi, geasseáiggálaš guohtonlotnašuvvama ovddideapmi dahje bálgosiid ovttahttin buoret guohtonlotnašuvvama ordnema várás. Dikšun- ja geavahanplánaid gárvvisteapmái bálgosiid guovdu evttohuvvo sulaid guovtti jagi válmmaštallanáiggi.

Loguid osolaččaid guovdu evttohit oktiiheivehit nu, ahte juohke bálgosis osolačča guovdu stuorimus lobálaš lohku osolačča guovdu livččii 500 ealihanbohcco. Nuppástusa mihttomearrin lea lasihit ollesáigásaš ja čatnasan boazodoalliid meari bálgosiin.

Lassin bargojoavku ávžžuha, ahte ministeriija áсахivččii boazodoalu boahttevuodabargojoavkku, man bargun livččii doaibmat Lappi EBI-guovddáša dohkkehan geavahanplánaid stivrenjoavkun. Geavahanplánat bálgosiid guovdu galggašedje evttohusa mielde leat gárvát ollašuhittit 1.6.2022 rájes.

Eana- ja meahccedoalloministeriija áсахii 12.10.2018 bargojoavkku válmmaštallat evttohusa stuorimus lobálaš boazologuin. Boazodoallolága mielde eana- ja meahccedoalloministeriija mearrida dálveguohtumiid suvdilis buvttadannávcca mielde logi jahkái háválassii, ahte man galle ealihanbohcco bálggus oazžu guovllustis jahkásaččat doallat ja man galle dákkár bohcco bálgosa oasálaš oazžu eanemustá oamastit.

Bálgosiidda várrejuvvui vejolašvuolta addit máhcahaga bargojovkui. Lassin bargojoavku guilai viidát sierra surggiid áššedovdiid. Dálá áсахus mearkabiriin ja stuorimus lobálaš boazologuin lea fámus jagi 2020 miessemánu loahpa rádjai.

**Lassiedđut eana- ja meahccedoalloministeriijas:**

sierraveahkki Teppo Säkkinen, t. 050 516 2868

ráđđádalli virgeolmmoš Tapani Sirviö, t. 050 431 6077

Luondduriggodat- ja biodoalu dutkamuš 29/2019, Luondduriggodatguovddáš, Boazodoalloguovllu dálveguohtumat jagiid 2016-2018 guohtuninventeremiin: Dálveguohtumiid dili nuppástusat ja nuppástusaid sivat, <http://urn.fi/URN:ISBN:978-952-326-763-3>

Čoahkkáigeasu áššedovdigullamiin, čielggadusain ja bálgosiid girjjálaš evttohusain leat lohkanláhkái fidnu siidduin: <https://mmm.fi/hanke2?tunnus=MMM039:00/2018>